

**MESYUARAT KEDUA PENGKAL KEEMPAT
DEWAN UNDANGAN NEGERI PULAU PINANG
YANG KEEMPAT BELAS
26 NOVEMBER 2021**

PERKARA : 4(B)(VI)1

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

1. Mohon Kerajaan Negeri Pulau Pinang nyatakan adakah Kerajaan Negeri bercadang untuk membina tapak-tapak perniagaan gerai makanan yang berstruktur di DUN Permatang Pasir dalam merangsang ekonomi rakyat yang terkesan daripada pandemik COVID-19?

**YB. JAGDEEP SINGH DEO A/L KARPAL SINGH
MENJAWAB BAGI PIHAK Y.A.B. KETUA MENTERI**

1. Kerajaan Negeri melalui Majlis Bandaraya Seberang Perai (MBSP) tidak mempunyai sebarang cadangan untuk membina tapak-tapak perniagaan gerai makanan yang berstruktur di DUN Permatang Pasir pada ketika ini.

Walau bagaimanapun, jika terdapat permintaan untuk cadangan penempatan penjaja secara mudah alih, perkara ini akan dipertimbangkan oleh MBSP. Selain itu, sekiranya terdapat cadangan pemajuan di kawasan tersebut dan lokasi pemajuan tersebut adalah strategik, pihak MBSP akan mensyaratkan kepada pemaju bagi penyediaan gerai makanan berstruktur di kawasan tersebut.

**MESYUARAT KEDUA PENGGAL KEEMPAT
DEWAN UNDANGAN NEGERI PULAU PINANG
YANG KEEMPAT BELAS
26 NOVEMBER 2021**

PERKARA : 4(B)(VI)2

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

2. Mohon Kerajaan Negeri Pulau Pinang nyatakan jumlah aduan yang diterima sejak program *First Support Point* dilancarkan mengikut pembahagian DUN-DUN di Pulau Pinang?

**YB. CHONG ENG
MENJAWAB BAGI PIHAK Y.A.B. KETUA MENTERI**

2. *First Support Point* di bawah Dasar Keluarga Selamat telah ditubuhkan pada Februari 2021. Sehingga kini, terdapat 29 Pusat Khidmat ADUN dan 12 Pertubuhan Bukan Kerajaan (NGO) telah diiktiraf sebagai *First Support Point*. Sehingga November 2021, sebanyak 82 kes telah diterima oleh *First Support Point*. Pecahan kes mengikut Kawasan Ahli Dewan Undangan Negeri (KADUN) dan *First Support Point* adalah seperti di **Lampiran A**.

**BILANGAN ADUAN YANG DITERIMA OLEH *FIRST SUPPORT POINT* BAGI
TEMPOH FEBRUARI 2021 - NOVEMBER 2021**

BIL.	<i>FIRST SUPPORT POINT</i>	BIL. KES YANG DIKENDALI
1	Pusat Khidmat ADUN N16 – Perai	5
2	Pusat Khidmat ADUN N30- Sungai Pinang	4
3	Pusat Khidmat ADUN N39- Pulau Betong	2
4	Pusat Khidmat ADUN N15 - Padang Lalang	1
5	Pusat Khidmat ADUN N27- Pengkalan Kota	1
6	Pusat Khidmat ADUN N7- Sungai Puyu	1
7	Pusat Khidmat ADUN N31 - Batu Lancang	1
8	Pusat Khidmat ADUN N26 - Padang Kota	0
9	Pusat Khidmat ADUN N29- Datok Keramat	0
10	Pusat Khidmat ADUN N34 - Paya Terubong	0
11	Pusat Khidmat ADUN N12- Penanti	0
12	Pusat Khidmat ADUN N36- Pantai Jerejak	0
13	Pusat Khidmat ADUN N28- Komtar	0
14	Pusat Khidmat ADUN N14- Machang Bubuk	0
15	Pusat Khidmat ADUN N11- Permatang Pasir	0
16	Pusat Khidmat ADUN N17 - Bukit Tengah	0
17	Pusat Khidmat ADUN N32- Seri Delima	0
18	Pusat Khidmat ADUN N35- Batu Uban	0
19	Pusat Khidmat ADUN N6- Telok Ayer Tawar	0
20	Pusat Khidmat ADUN N33- Air Itam	0
21	Pusat Khidmat ADUN N19- Jawi	0
22	Pusat Khidmat ADUN N18- Bukit Tambun	0

BIL.	<i>FIRST SUPPORT POINT</i>	BIL. KES YANG DIKENDALI
23	Pusat Khidmat ADUN N13- Berapit	0
24	Pusat Khidmat ADUN N8- Bagan Jermal	0
25	Pusat Khidmat ADUN N25- Pulau Tikus	0
26	Pusat Khidmat ADUN N23 - Air Putih	0
27	Pusat Khidmat ADUN N9- Bagan Dalam	0
28	Pusat Khidmat ADUN N20- Sungai Bakap	0
29	Pusat Khidmat ADUN N37 - Batu Maung	0
30	Home Dynamics (HD Training House)	0
31	Malaysia Hindu Sangam Penang State Women's Bureau	0
32	Pertubuhan Kebajikan SNEHAM	62
33	Women's Welfare Council (WWC)	2
34	Agape Counselling Centre Malaysia	1
35	The Safe Harbour	1
36	Buddhist Tzu-Chi Merits Society Malaysia	1 (kes sokongan emosi)
37	Young Women's Christian Association (YWCA Penang)	0
38	Than Hsiang Mitra Welfare Association Penang	0
39	YBAM Penang (Youth Buddhist Association Malaysia)	0
40	Minor Basilica of St. Anne, Bukit Mertajam	0
41	Women Right's Awareness Association (WRAA)	0
42	Malaysian Buddhist Association	0
JUMLAH		82

**MESYUARAT KEDUA PENGGAL KEEMPAT
DEWAN UNDANGAN NEGERI PULAU PINANG
YANG KEEMPAT BELAS
26 NOVEMBER 2021**

PERKARA : 4(B)(VI)3

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

3. Mohon Kerajaan Negeri Pulau Pinang nyatakan apakah Kerajaan Negeri bercadang menetapkan polisi khusus mewajibkan syarikat swasta di dalam Negeri Pulau Pinang memberikan keutamaan pengambilan kerja kepada golongan Orang Kelainan Upaya (OKU)?

**YB. PROF. DR. P. RAMASAMY A/L PALANISAMY
MENJAWAB BAGI PIHAK Y.A.B. KETUA MENTERI**

3. Buat masa ini, Kerajaan Negeri belum mempunyai perancangan untuk menetapkan polisi khusus bagi mewajibkan syarikat swasta di Negeri Pulau Pinang supaya memberikan keutamaan pengambilan pekerja kepada golongan Orang Kurang Upaya (OKU). Namun begitu, Kerajaan Negeri sentiasa prihatin terhadap kemajuan hidup golongan OKU. Antara inisiatif yang dilaksanakan oleh Kerajaan Negeri bagi membantu golongan OKU mendapat peluang pekerjaan dan menjana pendapatan adalah seperti berikut:
- (i) Program "*Job Coaching*" dan "*Disability Equality Training*" iaitu program kerjasama antara Jabatan Kebajikan Masyarakat (JKM) dengan agensi-agensi lain seperti Jabatan Tenaga Kerja, Jabatan Kesihatan Negeri dan majikan-majikan yang berpotensi untuk mengambil OKU sebagai tenaga kerja;
 - (ii) Karnival Kerjaya OKU anjuran JKM yang diadakan bagi memudahkan individu OKU yang mencari pekerjaan untuk mendapatkan hebahan dan tawaran peluang pekerjaan oleh bakal majikan yang turut serta dalam karnival tersebut;

- (iii) Program “2- Year Exit Programme” yang dijalankan oleh JKM berkonsepkan kebajikan produktif bertujuan untuk melatih dan membina daya upaya klien agar dapat keluar dari kepompong kemiskinan; dan
- (iv) Program Pembangunan Modal Insan iaitu program yang dilaksanakan oleh Pejabat Daerah dan Tanah bagi melatih peserta kursus dalam pembangunan kemahiran seperti masakan atau jahitan. Golongan OKU boleh memanfaatkan kursus ini untuk menambah pendapatan sama ada melalui perniagaan sendiri atau bekerja.

Selain daripada ini, Majlis Kebangsaan Bagi Orang Kurang Upaya yang dipengerusikan oleh YB Menteri Pembangunan Wanita, Keluarga dan Masyarakat telah ditubuhkan pada tahun 2008 turut dianggotai oleh Ketua Setiausaha Kementerian Sumber Manusia. Ketua Setiausaha Kementerian Sumber Manusia telah dipertanggungjawabkan Jawatankuasa Pekerjaan untuk menjalankan program seperti:

- (i) Pendaftaran dan penempatan OKU di sektor swasta;
- (ii) Menjalankan promosi penggalakkan pengajian OKU;
- (iii) Mewujudkan Skim Bantuan Galakan Perniagaan OKU (SBG-OKU); dan
- (iv) Program *Return to Work*.

Jawatankuasa ini juga adalah bertujuan untuk menggalakkan majikan di sektor swasta memberi peluang pekerjaan kepada orang kurang upaya melalui secara dalam talian iaitu melalui Sistem Maklumat Orang Kurang Upaya (SMOKU). Maklumat pencari kerja yang berdaftar dalam sistem ini akan dikongsi bersama agensi dan syarikat yang ingin mengambil OKU sebagai pekerja.

**MESYUARAT KEDUA PENGGAL KEEMPAT
DEWAN UNDANGAN NEGERI PULAU PINANG
YANG KEEMPAT BELAS
26 NOVEMBER 2021**

PERKARA : 4(B)(VI)4

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

4. Mohon Kerajaan Negeri Pulau Pinang nyatakan adakah Kerajaan Negeri ada memohon kepada Kerajaan Pusat untuk menyediakan satu *one stop centre* yang menempatkan beberapa buah agensi Kerajaan yang memberikan perkhidmatan kepada rakyat seperti mana Pusat Transformasi Bandar (UTC) di dalam daerah Seberang Perai Tengah (SPT)?

(a) Jika ya, apakah perkembangan permohonan tersebut?

**YB. DATO' IR. HAJI AHMAD ZAKIYUDDIN BIN ABD. RAHMAN
MENJAWAB BAGI PIHAK Y.A.B. KETUA MENTERI**

4. Buat masa ini, tiada permohonan oleh Kerajaan Negeri kepada Kerajaan Pusat untuk menyediakan *one stop centre* seperti Pusat Transformasi Bandar (UTC) di Seberang Perai Tengah. Pulau Pinang kini sudah mempunyai sebuah UTC di KOMTAR dan sebuah Pusat Transformasi Luar Bandar (RTC) di Simpang Ampat, Seberang Perai Selatan yang beroperasi untuk memberikan pelbagai perkhidmatan kepada rakyat.

**MESYUARAT KEDUA PENGGAL KEEMPAT
DEWAN UNDANGAN NEGERI PULAU PINANG
YANG KEEMPAT BELAS
26 NOVEMBER 2021**

PERKARA : 4(B)(VI)5

**SOALAN BERTULIS OLEH AHLI KAWASAN PERMATANG
PASIR**

YB. MUHAMMAD FAIZ BIN FADZIL

5. Mohon Kerajaan Negeri Pulau Pinang nyatakan apakah perancangan untuk mengurangkan kesesakan di sepanjang jalan lebuhraya Sungai Dua ke Juru terutama menuju ke simpang ke Jambatan Pulau Pinang?

YB. ZAIRIL KHIR JOHARI

MENJAWAB BAGI PIHAK Y.A.B. KETUA MENTERI

5. Perancangan Kerajaan Negeri Pulau Pinang untuk mengurangkan kesesakan di sepanjang jalan lebuh raya Sungai Dua ke Juru terutama menuju ke simpang ke Jambatan Pulau Pinang adalah dengan membina lebuh raya bertingkat dari Juru ke Kepala Batas.

Cadangan untuk pembinaan laluan pintasan (*bypass*) dari Juru ke Sungai Dua ini pernah dibincangkan oleh Kerajaan Persekutuan bersama-sama dengan pihak Kerajaan Negeri dan *Northern Corridor Implementation Authority* (NCIA). Perkara ini masih di peringkat perbincangan di agensi pusat. Kerajaan Persekutuan dan Kerajaan Negeri sedang menentukan lokasi-lokasi tertentu di kawasan terbabit untuk ditambah baik bagi tujuan penyediaan kapasiti lorong tambahan serta mengurangkan konflik trafik akibat *weaving traffic*.

**MESYUARAT KEDUA PENGGAL KEEMPAT
DEWAN UNDANGAN NEGERI PULAU PINANG
YANG KEEMPAT BELAS
26 NOVEMBER 2021**

PERKARA : 4(B)(VI)6

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

6. Mohon Kerajaan Negeri Pulau Pinang nyatakan berapakah jumlah perumahan rumah Kos Rendah di Pulau Pinang yang sedang dibina dan bagi tahun hadapan?

**YB. JAGDEEP SINGH DEO A/L KARPAL SINGH
MENJAWAB BAGI PIHAK Y.A.B. KETUA MENTERI**

6. Kerajaan Negeri menguatkuasakan Dasar Pembinaan Rumah Kos Rendah/Kos Sederhana Rendah kepada mana-mana pemajuan yang mencecah 150 di kawasan luar bandar dan 100 unit di kawasan bandar. Harga unit Rumah Mampu Milik (RMM) A yang juga merujuk kepada kos rendah masih kekal dikawal pada harga maksima RM42,000.00 dengan keluasan unit asas minima 650 kaki persegi.

Berdasarkan rekod terkini terdapat sebanyak 3,509 unit RMM A sedang dalam pembinaan di seluruh negeri Pulau Pinang, manakala sebanyak 9,543 unit telah diluluskan Pelan Kebenaran Merancang dan dijangka dapat mula dibina mulai tahun 2022. Senarai projek RMM A sedang dibina dan lulus Kebenaran Merancang seperti di **Lampiran A**. Angka ini adalah sebahagian daripada 126,816 unit RMM A, B dan C yang telah siap, dalam pembinaan dan perancangan selaras matlamat penyediaan 220,000 unit RMM menjelang 2030.

SENARAI PROJEK RUMAH MAMPU MILIK (RMM) A DALAM PEMBINAAN

Daerah Barat Daya					RMM		
1	2017	DBD	Seri Bayu	Prisma Bumiraya Sdn. Bhd.	332, Mukim 3 Bukit Sg. Rusa & Sg. Pinang, Jalan Sungai Rusa, Daerah Barat Daya	A	123
2	2017	DBD	Kuala Sg Pinang	PERDA	Lot 3077 Sebahagian Lot 3076 Fasa 2A Mukim B Daerah Barat Daya Pulau Pinang.	A	52
3	2017	DBD	Cassa Ara	Corfield Development Sdn. Bhd.	20101, 20102 & 20330, Mukim 10 Bukit Relau, Persiaran Relau dan Lilitan Sg. Ara, Daerah Barat Daya	A	63
4	2017	DBD	310, 311, 312 & 10632 (Sbhg Lot 451 (Lot Lama), Mukim D	Ideal Homes Properties Sdn. Bhd.	Kebenaran Merancang	A	1,175
						Jumlah	1,413

Seberang Perai Utara

5	2017	SPU	Taman Desa Ara Permai	Perda Ventures Incorporated Sdn. Bhd.	Pembangunan Bercampur Di Atas Sebahagian Lot 1762 dan Sebahagian Lot 1769, Mukim 13, Trk Alang SPU	A	264
6	2017	SPU	Oren Serdang	Magnum Platinum Sdn Bhd	Lot 1121 & 5486, Mk. 6 SPU	A	120
8	2018	SPU	Desa Ara	GDW Mengkuang Sdn. Bhd.	Lot 369, 1217 dan 1218, Mk. 13, SPU	A	172
9	2018	SPU	Legasi Bertam	Tetuan UDA Land Sdn. Bhd.	Di atas Lot 20017 di Atas 20663 - 20668 & Tanah Kerajaan (Rizab Jalan) Mukim 6, Jalan Seri Serdang	A	80
9	2018	SPU	Taman Bayu Aman	Welcome Development Sdn Bhd	Lot 6104 (Old Lot 1870) & 6106-6136 (Lot Lama 3354), Jln Teluk Air Tawar, Mk 7, SPU	A	160
10	2018	SPU	Mak Mandin	PDC Properties	Mak Mandin	A	187
						Jumlah SPU	983

Seberang Perai Tengah

11	2017	SPT	Taman Machang Bubuk Fasa III Blok A	TF Land Sdn. Bhd.	Lot 707, 1120, 1209-1212 Mk. 15 SPT	A	79
12	2018	SPT	Taman Machang Bubuk Fasa III Blok C	TF Land Sdn. Bhd.	Lot 707, 1120, 1209-1212 Mk. 15 SPT	A	79
13	2017	SPT	Aston Park	Ivory Square S/B	Bukit Mertajam, Sek. 4, Bukit Mertajam, SPT	A	87
14	2017	SPT	D'Palma	Grandpalms Development Sdn Bhd	Lot 1116, 1117, 1118, 1119, 1214, 1215 dan 1216 Jalan Machang Bubuk Mukim 15	A	270
15	2017	SPT	Taman Lembah Permai	Welcome Development Sdn Bhd	Sebahagian Lot 1999 dan 2988, Mukim 10	A	60
16	2017	SPT	Taman Seri Puteri	JKP Sdn Bhd	Guar Perahu, Kubang Semang	A	128
17	2017	SPT	Seberang Jaya	PDC Properties Sdn. Bhd.	Pembinaan	A	90
						Jumlah SPT	793

Seberang Perai Selatan

18	2017	SPS	Bandar Tasik Mutiara	Palmington Sdn. Bhd.	Di atas Lot No. 8746 dan Sebahagian Lot No. 21482 (Lot Lama No. 8747), Jalan Tasek Mutiara 8 Simpang Ampat Mukim 15	A	279
						Jumlah SPS	279
						JUMLAH	3,468

c. Senarai Kebenaran Merancang Projek RMM A B dan C Swasta dan Perancangan Kerajaan Negeri & Syarikat Berkaitan Kerajaan (GLC)

Bil.	Tahun	Daerah	Projek	Pemaju	Status	Jenis RMM	Bil. Unit
1	2017	DTL	Di Atas Lot 1555 (Lot Baru 6400), Persiaran Bukit Gambir 1, Mukim 13, DTL	Tetuan MPSB Venture Sdn. Bhd.	Kebenaran Merancang	A	85
2	2018	DTL	Warisan Tanjung Fasa 4C, Tanjong Tokong Lama, Seksyen 1 Bandar Tanjung	Tetuan UDA (North) Sdn Bhd	Kebenaran Merancang	A	650
3	2018	DTL	Kampung Mutiara, Batu Feringghi	Tetuan UDA (North) Sdn Bhd (Kerajaan Pusat)	Kebenaran Merancang	A	566
						Jumlah DTL	1,301
4	2016	DBD	Lot No. 84, Mukim D Bagan Air Itam, Lorong Presti 10, Jalan	Alamkhas Sdn. Bhd.	Kebenaran Merancang	A	192
5	2018	DBD	Pembangunan Bercampur Di Lot 289, 290, 291, 752, 768, 770, Sbhg. 728 & 1551, Mukim 4 Batu Itam, Jalan Sungai Air	Perda Ventures Incorporated Sdn. Bhd.	Perancangan	A	645
6	2017	DBD	Sbhg. 728 & 1551, Mukim 4 Batu Itam, Jalan Sungai Air	MTT Properties. & Dev. Sdn. Bhd.	Kebenaran Merancang	A	160
7	2018	DBD	Di Jalan Pondok Upeh, Mukim 6 SB	Tetuan Plenitude Estates SB	Kebenaran Merancang	A	327
8	2019	DBD	Lot-lot 20252, 20253, 20283 & 1804 (sebahagian Lot Lama	Tetuan Wisma Dayamas Sdn. Bhd.	Kebenaran Merancang	A	115

9	2019	DBD	Di Atas Lot 237,439,440 dan 441, Jalan Pulau Betong, Mukim 4, Seberang Perai	Tetuan Jernih Prospektif Sdn Bhd.	Kebenaran Merancang	A	1,224
10	2021	DBD	Jalan Sungai Pinang, DBD	JKP Sdn. Bhd.	Perancangan	A	192
						Jumlah DBD	2,855
11	2017	SPU	Di atas Lot-lot 2499, 195, 2502, 2570, 270, 189, 190, 2569	STC Property Management Sdn. Bhd.	Kebenaran Merancang	A	225
12	2018	SPU	Di Atas Lot 20084 (Sebahagian Lot Lama 3261) & Lot 20086	Tetuan Pavilion Everise Sdn. Bhd.	Kebenaran Merancang	A	119
13	2018	SPU	Pembangunan Bercampur Di Atas Di Lot 361, 362, 363, 364.	Perda Ventures Incorporated Sdn Bhd	Perancangan	A	104
14	2018	SPU	Pembangunan Bercampur Di Atas Sebahagian Lot 15461 (Lot 15461, 15462, 15463, 15464)	Perda Ventures Incorporated Sdn Bhd	Perancangan	A	439
15	2018	SPU	Pembangunan Bercampur Di Atas Lot 2770, 2771, 2772.	Perda Ventures Incorporated Sdn Bhd	Perancangan	A	70
16	2018	SPU	Pembangunan Bercampur Di Atas Lot 1640, Mukim 13, Ara Lot 1557, 1826, 1829, 2457 dan 2466 Petak A tanah Kerajaan	Perda Ventures Incorporated Sdn Bhd	Perancangan	A	349
17	2019	SPU		Setia Fountaines Sdn Bhd	Kebenaran Merancang	A	640
						Jumlah SPU	1,946
18	2017	SPT	Jalan Seladang, Mukim 15, SPT	Sunrise Manner Sdn. Bhd.	Kebenaran Merancang	A	560
19	2017	SPT	Bersebelahan Taman Markisah, Mukim 14, SPT.	Total Vista Dev. S/B	Kebenaran Merancang	A	420
20	2017	SPT	Seksyen 4, Bukit Mertajam, SPT.	Avongold City S/B	Kebenaran Merancang	A	230
21	2017	SPT	Bersebelahan Taman Tan Sai Gin, Sek. 3, SPT.	Rank City S/B	Kebenaran Merancang	A	84
22	2017	SPT	Macang Bubuk, Mukim 15, SPT.	GTM Property Management Sdn.Bhd	Kebenaran Merancang	A	110
23	2018	SPT	Di Atas Lot 200, 252, dan 3117, Mukim 4, Seberang Perai	Tetuan Majlis Agama Islam Negeri Pulau Pinang	Kebenaran Merancang	A	150
24	2021	SPT	Di atas Lot 1291, Jalan Markisah, Mukim 14, Seberang Perai Tengah (Fasa 2)	Total Vista Development Sdn Bhd	Kebenaran Merancang	A	74
25	2021	SPT	Di atas Lot 1291, Jalan Markisah, Mukim 14, Seberang Perai Tengah (Fasa 2)	Total Vista Development Sdn Bhd	Kebenaran Merancang	A	182
26	2021	SPT	Di atas Lot 1291, Jalan Markisah, Mukim 14, Seberang Perai Tengah (Fasa 3)	Total Vista Development Sdn Bhd	Kebenaran Merancang	A	182
27	2021	SPT	Di atas Lot 31345, Mukim 14, Seberang Perai Tengah	Manda'rina Sdn Bhd	Kebenaran Merancang		95
28	2021	SPT	Di atas Lot 1800, 11959, 32909, 3586, Plot C & D Serta Plot A & B (Lot Asal 831) & PT142.	Asas Dunia Berhad	Kebenaran Merancang	A	193
29	2021	SPT	Di atas Lot 1800, 11959, 32909, 3586, Plot C & D Serta Plot A & B (Lot Asal 831) & PT142, Mukim 14, Seberang Perai Tengah (Fasa 4)	Asas Dunia Berhad	Kebenaran Merancang	A	30
30	2021	SPT	Di atas Lot 1800, 11959, 32909, 3586, Plot C & D Serta Plot A & B (Lot Asal 831) & PT142, Mukim 14, Seberang Perai Tengah (Fasa 4)	Asas Dunia Berhad	Kebenaran Merancang	A	29
31	2021	SPT	Di atas Lot 1800, 11959, 32909, 3586, Plot C & D Serta Plot A & B (Lot Asal 831) & PT142, Mukim 14, Seberang Perai Tengah (Fasa 5)	Asas Dunia Berhad	Kebenaran Merancang	A	63
32	2021	SPT	Di atas Lot 1800, 11959, 32909, 3586, Plot C & D Serta Plot A & B (Lot Asal 831) & PT142, Mukim 14, Seberang Perai Tengah (Fasa 6)	Asas Dunia Berhad	Kebenaran Merancang	A	24
33	2021	SPT	Di atas Lot PT16, PT 17, PT 18, PT 10000, Bandar Prai, dan PT 301, PT 302, Mukim 4, Kampung Bagan Serai, Seberang Perai Tengah (Fasa 1)	JKP Sdn Bhd	Kebenaran Merancang	A	400
34	2021	SPT	Lot 1056,1057,1058,1059 Mukim 21, SPT	Spirit of Perai Sdn Bhd	Pelingkungan Semula	A	400
						Jumlah SPT	3,226
35	2018	SPS	Di Atas Lot 8019 (Lot Lama PT 841) & Lot 8020 (Lot Lama PT 1369), Jalan Ilmu, Mukim 9, Nibong Tebal, Seberang Perai	Tetuan JKP Sdn. Bhd.	Kebenaran Merancang	A	360
						Jumlah SPS	360
						Jumlah	9,688

RMM A - Rumah Mampu Milik A (Harga Maksima RM42,000)

DBD - Daerah Barat Daya

SPT - Seberang Perai Tengah

SPS - Seberang Perai Selatan

SPU - Seberang Perai Utara

**MESYUARAT KEDUA PENGGAL KEEMPAT
DEWAN UNDANGAN NEGERI PULAU PINANG
YANG KEEMPAT BELAS
26 NOVEMBER 2021**

PERKARA : 4(B)(VI)7

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

7. Mohon Kerajaan Negeri Pulau Pinang nyatakan adakah wujud kes jangkitan COVID-19 yang baru berpunca di kawasan pelancongan di Pulau Pinang setelah sektor pelancongan dibuka?

**YB. DR. NORLELA BINTI ARIFFIN
MENJAWAB BAGI PIHAK Y.A.B. KETUA MENTERI**

7. Sehingga pelaporan kes harian COVID-19 terkini, tiada kes jangkitan baru yang berpunca di kawasan pelancongan di Pulau Pinang dilaporkan.

**MESYUARAT KEDUA PENGGAL KEEMPAT
DEWAN UNDANGAN NEGERI PULAU PINANG
YANG KEEMPAT BELAS
26 NOVEMBER 2021**

PERKARA : 4(B)(VI)8

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

8. Mohon Kerajaan Negeri Pulau Pinang nyatakan apakah perancangan Kerajaan Negeri dalam menyangkal fakta bahawa Pulau Pinang bukan pajakan daripada Kedah supaya isu ini tidak mengelirukan orang ramai?.

JAWAPAN OLEH Y.A.B. KETUA MENTERI

8. Persoalan yang dibangkitkan oleh YB ADUN Permatang Pasir, YB ADUN Batu Uban dan YB ADUN Machang Bubuk menyentuh isu-isu Perlembagaan Persekutuan dan Perlembagaan Negeri di mana Negeri Pulau Pinang adalah sebuah negeri berdaulat dalam Persekutuan Malaysia sejak kemerdekaan pada tahun 1957. Sehubungan itu, Kerajaan Negeri Pulau Pinang tiada apa-apa keperluan untuk mempertimbangkan apa-apa tuntutan dari Kerajaan Negeri Kedah.

Berhubung soalan ini, pihak Kerajaan Pulau Pinang berpandangan untuk tidak memberi sebarang jawapan kepada soalan tersebut berdasarkan kepada subperaturan 25(6) Peraturan-Peraturan Majlis Mesyuarat Dewan Undangan Negeri Pulau Pinang memandangkan hal perkara yang disoal adalah di bawah kawalan Kerajaan Persekutuan.

Kerajaan Negeri menyarankan supaya apa-apa dakwaan berhubung isu Pulau Pinang milik Kedah tersebut sewajarnya dicermati dan diberi penilaian secara mendalam dan menyeluruh dari aspek undang-undang agar tidak menimbulkan kekeliruan dan kegelisahan yang tidak perlu di kalangan rakyat, khasnya rakyat di Kedah dan Pulau Pinang.

**MESYUARAT KEDUA PENGGAL KEEMPAT
DEWAN UNDANGAN NEGERI PULAU PINANG
YANG KEEMPAT BELAS
26 NOVEMBER 2021**

PERKARA : 4(B)(VI)9

**SOALAN BERTULIS OLEH AHLI KAWASAN PERMATANG
PASIR**

YB. MUHAMMAD FAIZ BIN FADZIL

9. Mohon Kerajaan Negeri Pulau Pinang nyatakan apakah terdapat bantuan dana khas kepada Institut Kolej Islam Teknologi Antarabangsa (KITAB) sehinggakan diwujudkan Wakaf Pengajian Tinggi KITAB?

**YB. DATO' IR. HAJI AHMAD ZAKIYUDDIN BIN ABD.
RAHMAN**

MENJAWAB BAGI PIHAK Y.A.B. KETUA MENTERI

9. Secara umumnya, KITAB tidak mendapat sebarang dana khas pengoperasian dari kerajaan Negeri Pulau Pinang. Walau bagaimanapun, pada tahun 2021, pihak KITAB telah menerima dana sebanyak RM500,000.00 melalui Jabatan Hal Ehwal Agama Islam Negeri Pulau Pinang (JHEAINPP) bagi menukar salin bumbung di bangunan akademik KITAB.

Sebagai makluman Yang Berhormat, Wakaf Pengajian Tinggi KITAB adalah satu produk baharu dalam menjana pendapatan Kolej Islam Teknologi Antarabangsa (KITAB) Pulau Pinang seterusnya melestarikan sumber pendapatan KITAB. Sehingga kini, KITAB telah bergerak lebih 25 tahun dengan hanya menggunakan dana sumbangan zakat yang disalurkan melalui Majlis Agama Islam Negeri Pulau Pinang (MAINPP). Namun, demi memastikan kelestarian dan pembangunan yang lebih komprehensif dan produktif, maka diperkenalkan satu lagi instrumen pendapatan baharu iaitu Wakaf Pengajian Tinggi KITAB ini. Idea asal pelaksanaan "Wakaf Pengajian Tinggi KITAB" adalah berdasarkan kajian terhadap universiti-universiti

terkemuka di dunia yang telah berjaya dan berkesan dalam pengoperasian dengan menggunakan konsep wakaf dan “*endowment*” seperti Universiti al-Azhar, Universiti al-Qurawiyyin, University al-Nizamiyah, Universiti Oxford, Universiti Stanford, Universiti Harvard, dan Universiti Yale.

Sumbangan dana Wakaf Pengajian Tinggi KITAB ini dicadangkan dengan (6) enam saluran utama iaitu;

- 1) Sumbangan Umum;
- 2) Sumbangan daripada badan Korporat;
- 3) Sumbangan Luar;
- 4) Sumbangan daripada Pelabur Wakaf Pulau Pinang;
- 5) Sumbangan daripada Kerajaan Negeri dan Persekutuan; dan
- 6) Sumbangan Awam

Pendapatan yang diperolehi daripada sumber Wakaf Pengajian Tinggi KITAB (WPTK) ini akan disalurkan melalui (6) enam tujuan utama iaitu;

- 1) Biasiswa;
- 2) Penyelidikan;
- 3) Pelaksanaan Pengajaran dan Pembelajaran (PdP);
- 4) Pengurusan Operasi;
- 5) Pembinaan Bangunan Kampus & Aset Boleh Alih; dan
- 6) Aktiviti Pelajar dan Masyarakat

Untuk makluman Yang Berhormat juga, Wakaf Pengajian Tinggi KITAB dilancarkan setelah mendapat kelulusan Majlis Agama Islam Negeri Pulau Pinang (MAINPP) untuk mewujudkan sebuah Kampus Bandar KITAB berasaskan wakaf di atas Tanah MAINPP serahan PDC bertempat di Bandar Cassia, Batu Kawan.

Pada 9 November 2021, Dana Wakaf Pengajian Tinggi KITAB ini telah dilancarkan oleh Tuan Yang Terutama Tun Dato' Seri Utama Ahamd Fuzi bin Haji Abdul Razak, Yang Di-Pertua Negeri Pulau Pinang bagi menjayakan hasrat menjadikan KITAB ke arah IPTS Islam berasaskan wakaf menjelang 2030.

**MESYUARAT KEDUA PENGKAL KEEMPAT
DEWAN UNDANGAN NEGERI PULAU PINANG
YANG KEEMPAT BELAS
26 NOVEMBER 2021**

PERKARA : 4(B)(VI)10

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

10. Mohon Kerajaan Negeri Pulau Pinang nyatakan langkah-langkah yang diambil untuk membantu melancarkan sistem rantai bekalan produk makanan yang dihasilkan oleh pengusaha kecil tempatan untuk dipasarkan secara meluas di Pulau Pinang dalam usaha merangsang ekonomi rakyat memasuki fasa endemik?

**YB. DR. NORLELA BINTI ARIFFIN
MENJAWAB BAGI PIHAK Y.A.B. KETUA MENTERI**

10. Kerajaan Negeri melalui Jabatan Pertanian (DOA) Pulau Pinang telah mengambil beberapa langkah untuk membantu melancarkan sistem rantai bekalan produk makanan yang dihasilkan oleh pengusaha kecil tempatan untuk dipasarkan secara meluas di Pulau Pinang dalam usaha merangsang ekonomi rakyat memasuki fasa endemik COVID-19. Antara langkah yang telah dilaksanakan bagi membantu pemasaran hasil tanaman sayuran, tanaman kontan, buah-buahan dan hasil pengeluaran Industri Asas Tani (IAT) adalah seperti berikut:
- (i) Pelaksanaan Ladang Kontrak, iaitu program peningkatan ekonomi dalam rantai nilai lebih tinggi yang memberi penekanan kepada aspek pembangunan pengeluaran berkualiti serta mempunyai nilai tambah melalui aktiviti seperti penggredan, pembungkusan dan pelabelan;
 - (ii) Memasarkan hasil produk dari ladang yang mendapat pengiktirafan Skim Amalan Pertanian Baik Malaysia (myGAP) dan juga Skim Pensijilan Organik Malaysia (myOrganic) di pasar raya besar tumpuan masyarakat;

- (iii) Mengadakan kempen-kempen membeli produk tempatan melalui media massa, media sosial dan platform dalam talian;
- (iv) Menjalankan dan mempergiatkan program promosi produk dan hasil pertanian di dalam dan luar negeri;
- (v) Membuka semula pusat-pusat pemasaran setempat seperti pasar minggu, pasar tani dan pasar malam bagi membantu dan meningkatkan semula sistem rantai bekalan yang dihasilkan oleh pengusaha kecil; dan
- (vi) Menjalankan Retort Teknologi Komuniti (*Ready To Eat Food*) untuk memanjangkan hayat makanan tanpa pengawet dan tidak perlu diletakkan dalam peti sejuk selama lebih 2 tahun.

Selain itu, dengan peningkatan pemasaran secara atas talian dan penghantaran dari rumah ke rumah ianya banyak membantu dalam proses pemasaran oleh pengusaha kecil.

**MESYUARAT KEDUA PENGGAL KEEMPAT
DEWAN UNDANGAN NEGERI PULAU PINANG
YANG KEEMPAT BELAS
26 NOVEMBER 2021**

PERKARA : 4(B)(VI)11

**SOALAN BERTULIS OLEH AHLI KAWASAN PERMATANG
PASIR**

YB. MUHAMMAD FAIZ BIN FADZIL

11. Mohon Kerajaan Negeri Pulau Pinang nyatakan adakah terdapat tanah wakaf yang didaftarkan di bawah Majlis Agama Islam Pulau Pinang (MAINPP) disewa/ dipajak kepada pihak bukan Islam?

**YB. DATO' IR. HAJI AHMAD ZAKIYUDDIN BIN ABD. RAHMAN
MENJAWAB BAGI PIHAK Y.A.B. KETUA MENTERI**

11. Terdapat tiga (3) aset wakaf yang disewakan kepada penyewa bukan Islam iaitu:
- (i) Sewaan tapak di Lot 1035, Mukim 4, Seberang Perai Tengah yang disewakan pada kadar RM2,000.00 sebulan. Walau bagaimanapun, perjanjian sewaan telah tamat dan sedang dalam tindakan undang-undang untuk milikan kosong.
 - (ii) Sewaan tapak di No. 287, Lorong Tampin yang disewakan pada kadar RM6.00 sebulan. Kadar sewaan ini merupakan kadar yang lama dan Majlis Agama Islam Pulau Pinang (MAINPP) sedang dalam proses untuk mengkaji kadar sewaan yang berpatutan dengan nilai semasa.
 - (iii) Sewaan premis komersial di No. 76, Lebuhr Pantai yang disewakan pada kadar RM500.00 sebulan.

**MESYUARAT KEDUA PENGGAL KEEMPAT
DEWAN UNDANGAN NEGERI PULAU PINANG
YANG KEEMPAT BELAS
26 NOVEMBER 2021**

PERKARA : 4(B)(VI)12

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

12. Mohon Kerajaan Negeri Pulau Pinang nyatakan berapakah jumlah penternakan moden babi yang telah dibina di dalam Negeri Pulau Pinang?

**YB. DR. NORLELA BINTI ARIFFIN
MENJAWAB BAGI PIHAK Y.A.B. KETUA MENTERI**

12. Berdasarkan data hasil dapatan verifikasi ladang pada tahun 2020, terdapat sebanyak 11 buah ladang babi yang telah dinaik taraf kepada Sistem Penternakan Babi Tertutup (penternakan moden). Selain itu, terdapat sebanyak 57 buah ladang babi sedang dalam proses penaiktarafan manakala sebanyak 85 ladang babi lagi masih menggunakan sistem kandang terbuka.

Merujuk kepada Peraturan 9 di bawah Peraturan Peraturan Pelesenan Penternakan Babi (Pulau Pinang) 2020, permohonan untuk memperbaharui lesen hendaklah dikemukakan kepada Pegawai Pelesen dalam tempoh tidak kurang daripada 3 bulan sebelum tarikh tamat lesen. Oleh kerana tempoh tarikh tamat permohonan lesen adalah pada 30 Oktober 2021, program verifikasi bagi tujuan pemeriksaan ladang bagi pemberian lesen masih dijalankan.

**MESYUARAT KEDUA PENGGAL KEEMPAT
DEWAN UNDANGAN NEGERI PULAU PINANG
YANG KEEMPAT BELAS
26 NOVEMBER 2021**

PERKARA : 4(B)(VI)13

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

13. Mohon Kerajaan Negeri Pulau Pinang nyatakan apakah rancangan Kerajaan Negeri untuk membantu sektor pertanian dari sudut mengukuhkan rantai bekalan hasil pertanian dan perikanan dalam usaha membantu meningkatkan pemasaran dan pada masa yang sama mengurangkan harga produk pertanian?

**YB. DR. NORLELA BINTI ARIFFIN
MENJAWAB BAGI PIHAK Y.A.B. KETUA MENTERI**

13. Kerajaan Negeri melalui pihak Jabatan Pertanian (DOA) Pulau Pinang dan pihak Jabatan Perikanan (DOF) Pulau Pinang sentiasa membuat pemantauan berkala bagi mengukuhkan rantai bekalan hasil pertanian dan perikanan di negeri ini.

Kerajaan Negeri melalui Jabatan Pertanian dan DOF Pulau Pinang juga telah menjalankan Projek *Farmer To Farmer, Farm to Farm*, Retort Komuniti (*Ready To Eat*) IAT dan Kebun Kerang bagi memberi peluang kepada anak muda menceburkan diri dalam bidang pertanian dan perikanan. Membuka peluang kepada Petani dan Nelayan untuk menambah pendapatan.

Dalam usaha membantu meningkatkan pasaran hasil pertanian, Kerajaan Negeri melalui pihak DOA Pulau Pinang telah melaksanakan beberapa kaedah bagi membantu para petani seperti berikut:

- (a) Pelaksanaan Program Ladang Kontrak;
- (b) Membuat kerjasama dengan pasar raya/hypermarket;

- (c) Menggalakkan pasaran secara dalam talian (*online*); dan
- (d) Membuat promosi dan kempen jualan hasil pertanian.

Sekiranya berlaku lambakan hasil pertanian di dalam pasaran, pihak DOA Pulau Pinang juga akan membantu para petani dengan cara membeli hasil atau produk pertanian tersebut secara pukal.

Bagi mengawal dan mengurangkan harga produk hasil pertanian pula, Kerajaan Negeri melalui pihak DOA Pulau Pinang akan terus membantu menyalurkan bantuan dalam bentuk input pertanian, pembinaan infrastruktur serta insentif kepada golongan petani dan pengusaha ladang bagi membantu mengurangkan modal pengeluaran petani, seterusnya dapat menghasilkan produk pertanian dengan hasil yang tinggi serta dapat menjual hasil pertanian berkenaan dengan harga yang lebih berpatutan.

Bagi pengawalan rantai pemasaran hasil perikanan pula, Kerajaan Negeri melalui pihak DOF Pulau Pinang telah mendapatkan kebenaran dan tempoh lanjutan dari Kementerian Pengangkutan (MOT) dan Jabatan Laut Malaysia untuk membenarkan kapal dari Hong Kong bagi memasuki perairan Malaysia seterusnya mengangkut ikan hidup untuk dipasarkan ke luar negara.

Selain itu, pihak DOF Pulau Pinang turut menggalakkan para nelayan dan pengusaha akuakultur untuk membuat pemasaran secara terus tanpa melibatkan orang tengah melalui pasar-pasar nelayan atau jualan terus dari ladang. Kaedah pemasaran ini dapat membantu meningkatkan hasil jualan dan mengurangkan kos operasi ternakan, seterusnya dilihat dapat mengurangkan harga produk perikanan.

JADUAL 1: PERINCIAN PELAKSANAAN BAGI PROJEK 'FARMER TO FARMER'

Perincian anggaran kos pelaksanaan bagi cadangan *Farmer to Farmer Program*

Bil	Perkara	Kos (RM)
1.	Penyediaan tapak — mencuci kawasan — pemasangan pagar — Plastik silvershine /Weed Mat	3,000.00
2.	Tangki baja, sistem pengairan, pam air, pH meter, EC meter	6,000.00
3.	Polibeg, media tanaman, tiang sokongan, tali	6,000.00
4.	Benih & tapak semaian	1,000.00
5.	Baja, foliar dan pengurusan perosak dan penyakit tanaman selama 2 pusingan tanaman	10,000.00
6.	Stor, Pusat pengumpulan hasil kawasan pilih cili	5,000.00
7.	Kos-kos lain	1,000.00
	JUMLAH	32,000.00

Perincian anggaran kos pelaksanaan bagi cadangan Penanaman Cendawan

Bil	Perkara	Kos (RM)
1.	Rumah Cendawan Mudah Alih dan Alatan(Mobile)	6,000.00
2.	Bongkah 3000 bongkah	9,000.00
3.	Lain-lain kos	1,000.00
	Jumlah	16,000.00

Nota. 2 rumah dengan 6000 bongkah dengan jangkaan pendapatan RM38,400.00 (2 pusingan tanaman)



IKLAN PENYERTAAN BAGI PROGRAM 'FARM TO FARM' DI PENANTI, SEBERANG PERAI TENGAH, PULAU PINANG

Tarikh Iklan : 26 Ogos 2021 (Khamis)
Tarikh Pengambilan Borang : 2 September 2021 (Khamis)
Tarikh Akhir Penyerahan Borang : 10 September 2021 (Jumaat)

SYARAT SYARAT PENYERTAAN:




1. Warganegara Malaysia berumur 18 tahun ke atas.
2. Keutamaan diberikan kepada penduduk sekitar Seberang Perai Tengah.
3. Tergolong dalam kumpulan B40 (berpendapatan isi rumah RM 4,000 ke bawah)
4. Mempunyai minat, rajin, semangat yang tinggi, cekal dan sanggup belajar.
5. Mengisi dan menghantar borang penyertaan **Program 'Farm to Farm'** sebelum atau pada tarikh yang ditetapkan.
6. Borang penyertaan boleh diperolehi di Pejabat Perikanan Daerah Seberang Perai, Jalan Permatang Rawa 14000 Bukit Mertajam, SPT, Pulau Pinang.

APA ITU PROGRAM 'FARM TO FARM' ?

- I. Merupakan projek perintis bagi ternakan ikan keli di dalam kolam simen secara berkelompok yang akan dilaksanakan di Penanti, Seberang Perai Tengah, Pulau Pinang
- II. Merupakan inisiatif Kerajaan Negeri bagi meningkatkan pendapatan golongan B40 dan seterusnya melahirkan lebih ramai usahawan ternakan ikan air tawar secara mesra alam dan bertanggungjawab.
- III. Melibatkan latihan dan kerja-kerja pengurusan ternakan keli bermula dari penyediaan kolam sehingga ke peringkat tuaian hasil.
- IV. Kemudahan asas dan input ternakan disediakan oleh pihak kerajaan bagi pusingan pertama ternakan untuk memulakan pelaksanaan program ini

*** Sebarang sebarang pertanyaan lanjut boleh menghubungi Cawangan Akuakultur, Pejabat Perikanan Negeri Pulau Pinang di talian 04-6572777

JADUAL 3: PERINCIAN PELAKSANAAN BAGI PROJEK KEBUN KERANG




Dapatan Kajian



Projek pemetaan semula LPS Kerang Pulau Pinang 2021

Seberang Prai Utara



Luas kawasan kajian :
2,424 Ha

Sebanyak 2,000 Kg benih telah ditaburkan
sebagai percubaan ternakan pada bulan Julai
dan Ogos 2021

©FRIM Batu Maung, Jabatan Perikanan Malaysia, 2021.

Sebanyak 1,128 Kg benih
telah ditaburkan sebagai
percubaan ternakan pada
Ogos 2021



Projek pemetaan semula LPS
Kerang Pulau Pinang 2021

BETING SELATAN

Lokasi Kajian dan Cadangan
laluan pengemaman bunyi

80 lot bersaiz 21 Ha telah
dikenal pasti

(a)

(b)


(a) Jumlah keluasan cadangan kawasan kajian :
6,063.00 Ha (boleh mencapai 234 lot bersaiz 21
Ha)

(b) Jumlah keluasan tapak yang telah dikaji :
3,491.00 Ha (80 lot bersaiz 21 Ha)

Prestasi kemajuan : 57.58%

hampir 234 lot bersaiz 21 Ha setiap satu
boleh ditawarkan

Cadangan, aturan kedudukan lot dan saiz masing-
masing



©FRIM Batu Maung, Jabatan Perikanan Malaysia, 2021.



IKLAN PENYERTAAN PESERTA KEBUN KERANG, SEBERANG PERAI UTARA, PULAU PINANG

Tarikh Iklan : 18 Ogos 2021 (Rabu)
Tarikh Pengambilan Borang : 1 September 2021 (Rabu)
Tarikh Akhir Penyerahan Borang : 20 September 2021 (Isnin)

SYARAT SYARAT PENYERTAAN:

1. Warganegara Malaysia berumur 18 tahun ke atas.
2. Keutamaan diberikan kepada nelayan berdaftar di Negeri Pulau Pinang bermula dari Pengkalan Nelayan Butterworth sehingga Pengkalan Kuala Muda, Pulau Pinang.
3. Tergolong dalam kumpulan B40 (berpendapatan isi rumah RM 4,000 ke bawah)
4. Mempunyai minat, rajin, semangat yang tinggi, cekal dan sanggup belajar.
5. Mengisi dan menghantar borang penyertaan sebagai Peserta Kebun Kerang sebelum atau pada tarikh yang ditetapkan.
6. Borang penyertaan boleh diperolehi di Pejabat Perikanan Daerah Seberang Perai, Jalan Permatang Rawa 14000 Bukit Mertajam, SPT, Pulau Pinang.

APA ITU KEBUN KERANG?

- I. Merupakan kawasan yang diperuntukan bagi projek ternakan kerang di Daerah Seberang Perai Utara, Pulau Pinang
- II. Keluasan lot kerang adalah 21 hektar / lot
- III. Melibatkan kerja-kerja pengurusan ternakan kerang seperti tabur benih, serak benih, tuaian hasil dan kerja-kerja pembersihan lot ternakan.
- IV. Perlu memohon dan menjelaskan Lesen Pendudukan Sementara (LPS) kepada Pejabat Daerah & Tanah dan juga memohon serta menjelaskan Lesen Sistem Kultur Laut (SKL) kepada Jabatan Perikanan Negeri.

*** Sebarang pertanyaan lanjut boleh menghubungi Cawangan Akuakultur, Pejabat Perikanan Negeri Pulau Pinang di talian **04-6572777**

**MESYUARAT KEDUA PENGGAL KEEMPAT
DEWAN UNDANGAN NEGERI PULAU PINANG
YANG KEEMPAT BELAS
26 NOVEMBER 2021**

PERKARA : 4(B)(VI)14

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

14. Mohon Kerajaan Negeri Pulau Pinang nyatakan adakah Kerajaan Negeri akan menyegerakan pewartaan tanah-tanah yang dkhususkan kepada tali air / ban bagi sebagai milik daftar kerajaan supaya sempadan tanah ditentukan bagi memastikan hak milik persendirian ditentukan dengan tepat?

JAWAPAN OLEH Y.A.B. KETUA MENTERI

14. Pewartaan tanah yang telah digunakan untuk tujuan tali air/ban akibat daripada pengambilan tanah oleh pihak Jabatan Pengairan dan Saliran (JPS) / Kawasan Pembangunan Pertanian Bersepadu (IADA) akan diuruskan oleh pihak Jabatan Ketua Pengarah Tanah dan Galian Pulau Pinang (JKPTG). Pihak JKPTG akan mengemukakan permohonan kepada Pihak Berkuasa Negeri (PBN) untuk kelulusan. Selepas pewartaan tersebut diluluskan, pihak Pejabat Tanah dan Galian (PTG) / Pejabat Daerah dan Tanah (PDT) akan mengeluarkan hakmilik sambung (geran baru) berdasarkan keluasan tanah yang baru.

**MESYUARAT KEDUA PENGGAL KEEMPAT
DEWAN UNDANGAN NEGERI PULAU PINANG
YANG KEEMPAT BELAS
26 NOVEMBER 2021**

PERKARA : 4(B)(VI)15

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

15. Mohon Kerajaan Negeri Pulau Pinang nyatakan adakah Kerajaan Negeri bercadang mempromosikan acara sukan tradisional seperti sepak raga tuju sebagai satu daya tarikan pelancongan?

**YB. SOON LIP CHEE
MENJAWAB BAGI PIHAK Y.A.B. KETUA MENTERI**

15. Kerajaan Negeri telah membina baru sebelas (11) gelanggang sepak takraw, satu (1) gelanggang sepak raga tuju dan satu (1) gelanggang kabaddi serta menaik taraf tujuh (7) gelanggang sepak takraw dan satu (1) gelanggang sepak raga tuju pada tahun 2021 seperti berikut:

<u>Bil.</u>	<u>Tajuk Projek</u>	<u>Lokasi</u>
1.	Pembinaan Baru Gelanggang Sepak Takraw (x1)	Taman Seri Serdang, Kadun Bertam
2.	Pembinaan Baru Gelanggang Sepak Takraw (x1)	Simpang Empat Permatang Buloh, Kadun Sungai Dua
3.	Pembinaan Baru Gelanggang Sepak Takraw (x1)	Taman Penaga, Kadun Penaga
4.	Pembinaan Baru Gelanggang Sepak Takraw (x1)	Desa Permai Indah, Kadun Batu Uban
5.	Pembinaan Baru Gelanggang Sepak Takraw (x1)	Taman Sungai Dua Utama, Kadun Sungai Dua

6.	Pembinaan Gelanggang Sepak Takraw Baru (x3)	Kampung Melayu, Kadun Air Itam
7.	Pembinaan Gelanggang Sepak Takraw Baru (x1)	Perkampungan Juru, Kadun Bukit Tengah
8.	Pembinaan Gelanggang Sepak Takraw Baru (x1)	Taman Cantek, Kadun Bagan Jermal
9.	Pembinaan Gelanggang Sepak Takraw Baru (x1)	Dewan Banjir Pengkalan Bongor / Pusat Belia Penaga, Kadun Penaga
10.	Pembinaan Gelanggang Sepak Raga Tuju (x1)	Taman Kerapu, Kadun Bagan Jermal
11.	Pembinaan Gelanggang Kabaddi Baru (x1)	Majlis Sukan Negeri Pulau Pinang
12.	Penaiktarafan Gelanggang Sepak Takraw (x1)	MPKK Bagan Ajam, Kadun Telok Ayer Tawar
13.	Penaiktarafan Gelanggang Sepak Takraw (x1)	Taman Alma Jaya, Kadun Machang Bubuk
14.	Penaiktarafan Gelanggang Sepak Takraw (x2)	Jalan Tenggiri, Kadun Seberang Jaya
15.	Penaiktarafan Gelanggang Sepak Takraw (x1)	Desa Permai Indah, Kadun Batu Uban
16.	Penaiktarafan Gelanggang Sepak Takraw (x1)	Taman Riang, Kadun Bagan Jermal
17.	Penaiktarafan Gelanggang Sepak Takraw (x1)	Kampung Maqbul, Kadun Sungai Pinang
18.	Penaiktarafan Gelanggang Sepak Raga Tuju (x1)	Pongsu Seribu, Kadun Bertam

Selain itu, dua gelanggang sepak raga tuju adalah dalam perancangan tahun 2022 iaitu di Kampung Gelugor, Kadun Seri Delima dan Dewan Banjir Pengkalan Bongor / Pusat Belia Penaga, Kadun Penaga.

Di samping itu, Klinik Pengenalan Sukan Tradisional juga telah dan akan dianjurkan pada tahun ini adalah seperti berikut:

<u>Sukan Tradisional</u>	<u>Tarikh</u>
Wushu	11 September 2021 (maya)
Silat Tua	2 Oktober 2021 (hybrid)
Silambam	9 Oktober 2021 (fizikal)
Sepak Takraw	16 Oktober 2021 (maya); 30 Oktober 2021 (fizikal)
Kabaddi	13 November 2021 (maya); 27 November 2021 (fizikal)

Perancangan untuk mengadakan Klinik Pengenalan Sepak Raga Tuju di bawah inisiatif “*Sports For All*” pada tahun 2022 telah dirancang dan perbincangan bersama Persatuan Sepak Takraw Pulau Pinang mengenainya juga telah diadakan.

Kejohanan Liga Sepak Takraw “STL-2022” yang jangka akan dianjurkan pada Februari 2022 juga dalam perancangan dan perbincangan bersama Persatuan Sepak Takraw Malaysia (PSM) dan Majlis Sukan Negeri Pulau Pinang (MSNPP).

Melalui inisiatif ini, ia diharap berupaya memupuk semangat kesukanan khususnya dalam acara sukan tradisional dalam kalangan masyarakat setempat dan juga pemain-pemain industri pelancongan di mana usaha ini mampu mempromosikan sukan ini sebagai salah satu elemen tarikan pelancongan tempatan di bawah kategori produk pelancongan atau sukan pelancongan.

**MESYUARAT KEDUA PENGGAL KEEMPAT
DEWAN UNDANGAN NEGERI PULAU PINANG
YANG KEEMPAT BELAS
26 NOVEMBER 2021**

PERKARA : 4(B)(VI)16

**SOALAN BERTULIS OLEH AHLI KAWASAN PERMATANG PASIR
YB. MUHAMMAD FAIZ BIN FADZIL**

16. Mohon Kerajaan Negeri Pulau Pinang nyatakan adakah Kerajaan Negeri bercadang mengadakan program simulasi dewan perundangan (legislative) bagi golongan belia supaya Undi 18 diberikan kesedaran demokrasi dan ruang politik?

**YB. SOON LIP CHEE
MENJAWAB BAGI PIHAK Y.A.B. KETUA MENTERI**

16. Ya, Kerajaan Negeri Pulau Pinang sememangnya menganjurkan program simulasi dewan perundangan (legislative) bagi golongan belia, iaitu Sidang Muda. Malah, topik perbahasan mengenai Undi 18 juga didebat dalam kalangan ahli-ahli Bengkel Demokrat Muda dalam sesi perbahasan dalam Bengkel Demokrat Muda supaya mereka diberikan kesedaran demokrasi dan ruang politik.

Demi meningkatkan kesedaran demokrasi dan memberi ruang politik kepada golongan belia, Kerajaan Negeri Pulau Pinang melalui Perbadanan Pembangunan Belia Pulau Pinang (PYDC) dengan sokongan Pejabat Speaker Dewan Undangan Negeri Pulau Pinang telah menganjurkan program Sidang Muda sejak tahun 2015.

Bahagian Dewan Undangan Negeri (DUN) sentiasa memberikan sokongan penuh terhadap penganjuran Sidang Muda oleh PYDC dan sentiasa memberikan kerjasama sekiranya taklimat berkaitan perjalanan persidangan diperlukan.

Program ini merupakan satu siri latihan dan bengkel pendidikan pendemokrasi yang bertujuan untuk menekankan nilai kesedaran sivik, demokrasi dan kewarganegaraan dalam kalangan belia. Ia juga dapat mendedahkan belia dengan perjalanan Dewan Undangan Negeri, meningkatkan penyertaan belia dalam proses membuat keputusan di peringkat Kerajaan Negeri Pulau Pinang, mendapatkan persepsi belia berkenaan Pulau Pinang dan negara daripada segi politik, sosial dan ekonomi serta mengenal pasti nilai kepimpinan dalam kalangan belia Pulau Pinang.

Program Sidang Muda merangkumi tiga (3) peringkat iaitu:

(i) Bengkel Demokrat Muda;

Mengutamakan bengkel latihan untuk melengkapkan para belia dengan teori dan konsep asas demokrasi dan politik.

(ii) Bengkel Persediaan Sidang Muda; dan

Memberi fokus kepada penyediaan sebelum memasuki persidangan Sidang Muda.

(iii) Persidangan Sidang Muda.

Memberi peluang untuk beraksi sebagai Ahli Sidang Muda dan berbahas di Dewan Undangan Negeri Pulau Pinang.

Kandungan perbincangan sepanjang persidangan Sidang Muda akan disusun dan dihantar kepada Ahli Dewan Undangan Negeri (ADUN) dan agensi yang berkaitan untuk rujukan dan tindakan yang selanjutnya. Persidangan Sidang Muda 2021 telah diadakan pada 30 Oktober 2021 dengan penyertaan seramai 38 orang Ahli Sidang Muda.